



Til:

Pele Broberg, Naleraq
Medlem af Inatsisartut

07-08-2025
Sags nr. 2025 - 15823
Dok. nr. 25628191

§ 37-imut apeqqummut nr.112-2025 akissut

Inatsisartut suleriaasianni § 37, imm. 1 naapertorlugu Inatsisartuni ilaasortap Pele Brobergip, Naleraq, apeqquteqaataa Naalakkersuisunit akineqassaaq.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Akissut apeqqutip kingorna takuneqarsinnaavoq.

1. Siornatigut inuiannik toqoraasimanermut oqaatigisimasat ilutigalugit, maanna Naalakkersuisuusut, tassannga ilanngullugit Naalakkersuisut siulittaasuut Jens-Frederik Nielsen aamma Aningaasaqarnermut Akileraartarnermullu Naalakkersuisoq Muté B. Egede, isumaqarpat Danmark-i Kalaallit Nunaannersunik, tassanngalu kalaallinik, inuiannik toqoraasimasut?

Akissut:

FN-ip inuiannik toqoraanermut nassuiaataa aallaavigineqarpoq, tassani iliuutsit makkua ilaatinneqarput; inuiannik, naggueqatigiinnik amqip qalipaataanik upperisamilluunniit tunngavilinnik nungusaalluni toqoraanerit, eqimattanik pineqartunik sakkortuumik ajoqusiinerit, eqimattat inuuniarlutik atugaannik aserorternerit, eqimattat iluini meeqqiortitsinaveersaernerit imaluunniit eqimattap meerartaannik eqimattamut allamut pinngitsaaliilluni nuussuinerit.

Iliuutsit suut inuiannik toqoraanertut taagorneqarsinnaanersut pillugit ingerlaavartumik oqaluuserineqartarput aamma siusinnerusukkut Naalakkersuisuusimasut tamanna tunngavigalugu ilisimatuunit nunani tamalaani ilisimaneqarluartunik inuttalimmik suleqatigiissitaliornissaminut toqqarnikuuaat, taakkua Naartunaveersaatit pillugit suliami inuit pisinnaatitaaffii pillugit inuit eqqorneqartut atugaannik ilaatigut misissuisussaapput, matumani suliap inuiannik toqoraanertut inatsisitigut taagorneqarsinnaanera ilanngullugu misissortussaallugu. Taaguut aamma atorneqartarpoq pisinnaatitaaffinnik allanik unioqqutitsisoqarsimagaangat, soorlu inuit pisinnaatitaaffii aamma nunap inoqqaavisa pisinnaatitaaffii.

Immikkut ilisimasallit misissuinerat januar 2026-mi naammassinissaa
naatsorsuutigineqarpoq. Immikkut ilisimasallit sulia tik naammassippassuk
Naalakkersuisut inatsitigut alloriartoqassanersoq isummerfigissavaat.

Suliat naalakkersuineramik sulialinnut saqqummiunneqarnera
eqqarsaatigalugu Aningaasaqarnermut Akileraartarnermullu Naalakkersuisup
siusinnerusukkut nalunaarutit attappai.

Naalakkersuisut Siulittaasuata suliaq ilungersunartutut isigaa immikkullu
ilisimasallit naliliinerisa tigunissaa qilanaaralugu.

Inussiarnersumik inuulluaqqusillunga

A handwritten signature in black ink, appearing to read 'Jens-Frederik Nielsen', written in a cursive style.

Jens-Frederik Nielsen
Naalakkersuisut Siulittaasuata